

乾

隆

鄞

縣

志

鄞縣志卷十六

人物

明

范欽字堯卿嘉靖十一年進士知隨州有治行遷工部員外郎時大工頻起武定侯郭勛爲督勢張甚欽以事忤之助譖於帝下獄廷杖出知袁州大學士嚴嵩其郡人也嵩子世蕃欲取宣化公宇欽不可世蕃怒欲斥之嵩曰是抗郭武定者蹄之適高其名遂得寢稍遷按察副使備兵九江歷遷副都御史巡撫南贛擒劇賊李文彪平其穴疏請築城程鄉之濠居邨設一通判以消豫章閩粵之奸復攻大盜馮天爵斬之遷兵部右侍郎解組歸張時徹屠大山

亦里居人稱爲東海三司馬欽築居在月湖深處林木翳然性喜藏書起天一閣購海內異本列爲四部尤善收說經諸書及先輩詩文集未傳世者浙東藏書家以天一閣爲第一卒年八十三從子大徹字子宣年二十餘至長安題詩雙塔寺壁袁煒見而奇之以太學生補鴻臚寺序班使琉球遼東朝鮮車里木邦緬甸大甸安南七奉璽書進秩二品所過題詠傳於一時性嗜鈔書尤愛法書名畫家藏搨本甚多嘗從天一閣借書不時應因遍搜海內異書秘本不惜重購之凡得一種知爲天一閣所未有輒具酒茗佳設迎欽至其家以所得置几上欽取閱之默然去其嗜奇相尙若此年八十七卒

前上考
舊傳

屠大山字國望僑之從子嘉靖二年進士除合州知州州
當瞿塘口築長隄以捍其漲州人便之名屠公隄遷吉安
知府尚書王學夔有子橫里中捕其奴痛懲之其子遂折
節爲儒學夔語人曰使我得一賢子者使君也累遷福建
布政使尚書李默有憾於將樂令屬斥之大山察其賢反
薦於朝默以此重大山遷右副都御史巡撫湖廣尋加兵
部右侍郎兼督湖廣川貴軍務討叛苗龍阿仔誘其黨譚
細奴啖以官使擒阿仔以獻苗衆悉平土帥冉世蕃欲篡
其父位以金寶抵大山家大山錄世蕃轅門數其罪杖之
百諸土帥皆悚息推南京兵部右侍郎提督江南諸軍時
倭勢益張而參將李逢時之兵大潰爲言官所劾繫詔獄

論死一日世宗問真人陶仲文曰屠大山非楚撫臣爲我
修潛邸太和宮者耶曰然遂赦歸里大山善詩歌酒間呼
筆輒就在太和遇異人得養生術老而不衰年八十卒州

續稿

全元立字汝德嘉靖十四年進士選庶吉士歷官修撰冊
封魯藩冊使例有厚貽元立却不受王重之手題九山圖
相贈曰此可無玷太史裝也大學士嚴嵩方當軸傾首相
夏言及楊沈諸人相繼赴西市元立憤然曰使吾職臺諫
當以言爭職廷尉當以法爭吾職史獨有董狐筆在耳因
作告天文極陳諸公寃狀詞義慷慨嵩聞之怒甚出爲南
京侍講學士抗疏乞歸不許改南太常寺卿時京營衛士

多穿郊壇墼垣爲徑道元立曰此何地敢若是耶遂限以
崇垣有犯者治有樂舞生坐罪事連勛貴人貴人爲居間
欲寢其獄元立曰勛貴人得免俱坐幸矣尙欲撓吾法耶
再遷南工部右侍郎歲旱兩都大臣俱自劾嵩從中持之
遂聽乞歸性至孝歸時髮且斑白屬母病自秋涉春不緩
帶居喪柴立竟以積毀卒年六十八生平無他嗜好廩屋
數椽與伯仲皓首同居性耿直初在史館嘗典教內侍有
過輒撻之後孫天叙入館復教內侍有老瑞來語知爲元
立孫搖首曰當日全先生太嚴其見憚若此爾上者天叙
字伯典萬歷十四年進士改庶吉士授編修皇長子出閣
充日講官嘗小疾屬同官代直輒顧問全先生何在與焦

茲主順天鄉試科臣劾茲有私天叙乞先賜罷斥茲外補
 天叙請去益力以省親歸丁外艱服除遷左庶子進少詹
 事兼侍讀學士以母在京邸不習苦寒乃乞奉母歸約鄉
 先生為真率會值察典為臺省所劾改官留都卒天啟改
 元贈禮部右侍郎予祭葬蔭一子子大震字二何嗜古工
 詩書法道麗開志從子大程字式躬縣學生魯王時以莊元
 辰薦授太常丞後棄家入東錢湖與其子躬耕山田自給

全氏大程子吾騏字聿青能詩續耆舊傳

汪鏜字振宗嘉靖二十六年進士為庶吉士遷編修教習
 內書堂歷遷諭德主南京鄉試有當軸以書屬其子不許
 遷祭酒頒五倫條約及清餼廩之乾沒者以給諸生尋擢

南工部侍郎三遷至禮部尙書兼學士時江陵當國侂甚
鏜與之無款曲亦無所忤久之引年歸甬上者舊傳孫樞字伯
機生世家不樂仕進治別業曰泡園賦園居詩六十首閩

人徐爌亟稱之

靜志居詩話

張淵字維木少孤依其族人在陳州者遂以河南鄉舉中
進士授興化府推官甫到官目攝道旁有作睨眦狀者卽
收訊之果逸囚一郡大驚攝仙游令值瀕海塘壞而歲方
大禳主者難之淵請發粟廩饑民計日使授役塘成民賴
以活百萬計遷工部主事出知武昌府時徵殿木於楚故
事官募居賈及旅商資厚者充役人皆皇駭淵定議遣官
市木第召商習事者爲計直上下始帖然然運木久不下

當事懼後期得罪計不知所出淵知楚藩積大木無算多出金購之較采運費三而贏一以異等遷按察副使備兵紫金關妖賊染大林者依山爲寨搜牢無虛日淵至設方略分其軍爲三鑛卒善緣險使先路麻陽兵甚銳爲中堅官兵持重居後且命俱勒兵以待淵善風角夜令諸將乘月明並發破其寨盡斬賊首竄匿者使自首餘黨盡平當事議上其功淵謝曰此俱饑民郡縣不能撫定又不早芟除使至此吾敢以爲功耶議遂止歷遷貴州布政使投劾

歸里橐中無長物

兩上考舊傳

黃元恭字資禮宗明從子父宗欽嘗爲合肥丞出人寃獄以金謝不受其人卽用所部金造舟濟人以表其德元恭

登嘉靖二十六年進士授工部營繕司主事內官監高忠
虛列工匠萬計糜金錢無算元恭欲核實而後給忠不可
因疏發其奸幾得禍皇貴妃出葬諸中官扈從者故事人
各爲席舍而裹楣柱以帛元恭曰此一日需耳顧耗官帑
至此乃使數人共一廬斬茅覆苫而已俺荅入寇京師戒
嚴廷臣舉元恭將才奉命視南郭址築蘆溝橋俱立辦嚴
嵩方擅命元恭疏其罪乞早竄僂以謝天下疏已入銀臺
矣尙書文明愛其才密從司禮取其疏毀之然嵩已微聞
其事遂謫判漳州稍遷南兵部郎出爲河南兵備復以忤
撫軍李遂罷歸子靜存以貢授隨州同知未嘗妄受一錢

隨人德之

曹志

杜思字子睿嘉靖三十五年進士授營繕主事督造五鳳樓工成賜金綺轉都水司郎中出知青州州誌久闕軼思手自纂輯李攀龍爲之序陞斬黃兵備旋以事鐫秩補南寧知府安南入貢督撫議相見禮思以內外官體相等貢使見中丞如見宗伯禮見鈐轄如見太常禮從之遷福建

參議罷歸

邱志

董邦樂字子夔鏊從孫也嘉靖二十五年舉于鄉就選得浮梁知縣俗好訟數起大獄豪貴起而兩持之貲罄乃已邦樂諭之曰若爭睚眦而以已產肥他人乎各感悔謝去會上官嘆之罷歸孫應圭舉萬曆三十七年鄉試授南安推官改建寧歷和易鄧三州其在鄧有守城勞鄧人建祠

祀焉曹志

徐金星字紫庭嘉靖四十年舉于鄉令池州府之建德以治稱召入爲御史時舉人行取無得入臺省金星獨從異數掌河南道遷按察僉事致仕問志

蔣良弼字巖臣其父九臯博通經史爲名諸生父病割股肉和糜以進遂痊歲暮宿逆旅得白金一篋私念必前客所遺留待之迫除夕遷延未返踰旬有一人踉蹌號慟而至卽遺金者問其銖兩封識皆合舉以還之時良弼尙幼晝卧夢白鬚翁摩其頂曰汝父陰行善加汝貴骨因驚寤額上果一骨隱起嘗讀書城南袁氏樓其下爲刑人所昏黑卽呼嘯遇者輒病良弼一夕聞鬼聲甚厲推窻謂之曰

鄞縣志

卷十六 人物

六

汝輩自作不靖今既死尙貽害生人耶自是聞然久躓場
屋占籍陝西遂舉鄉試謁選得建德令訟者投牒卽呼至
榻前相語如家人徐論曲直皆中窾綮久之民相戒不忍
欺鄙懋卿家丁過縣索驛馬不許怙勢出語不遜卽痛杖
之慮爲所中乞終養歸杜門不交貴要撫按藩臬以事至
鄞造廬輒引避亦不報謁年八十六卒

聞志兼采高
斗樞撰墓誌

管大勲字世臣嘉靖四十四年進士授庶吉士遷給事中
慷慨敢直言宦官滕祥輩奏請復故太監黃錦姪浦都督
銜授其族人保等錦衣官使守錦墓家人黃斌等與充御
馬監勇士以示存恤帝許之大勲與御史陳聯芳等交章
言浦前以不職罷不當復叙保等欲藉口守墓冒官職斌

等以廝卒希充勇士名糜廩祿皆不宜聽事遂寢有師宗
紀者以黃冠厠名太常寺卿盜庫金錢千計復與鄒應龍
發其奸論如律以亢直忤時出知臨江府擢四川提學副
使復降知延平府再以副使督湖廣學政遷福建布政使
加光祿寺卿致仕少篤于問學嘗取蒙引存疑淺說折衷
之著四書三說學者宗之用上考舊傳從子學經字明道由舉
人知陽江縣粵東多奇貨且饒珠池之利學經一無所私
陞兗州督河同知以勦白蓮教功擢刑部郎中出知慶陽
府地逼西番多盜賊學經雖文吏上馬督吏卒討捕邊境
以寧母老乞終養歸闕志

余有丁字丙仲父永麟由鄉舉爲學官歷浦江崑山擢通

判蘓州未任卒有丁少穎異文辭闋麗舉嘉靖四十一年
會試殿試第三人及第與吳江申時行太倉王錫爵聯名
後皆入相有明一代所未有也授翰林編修草詔勅故例
受勅者先具畧節爲底本且有愧因如其言潤色之有丁
曰此王言奈何諛人又因以爲利草制不受潤筆自有丁
始乙丑分校禮闈得一卷古色闇澹曰是必歸熙甫文初
有丁從其父至崑山求執經其門不許因歎曰失吾不收
先生老公車矣遂薦之捋卷果然遷洗馬待神宗于東宮
晉諭德以疾請歸乃改官南京便道之家買山東湖中得
古洞疏峯披道構亭榭其間皆以歸去來詞命名神宗御
書名山洞府賜之起南國子祭酒令諸生以什伍相保有

過則連坐終其任無犯令者居二歲復移疾卧東湖起爲少詹事歷禮部左右侍郎尋改吏部張居正卒加禮部尙書入閣有丁之相雖由居正垂沒所薦帝自以東宮之舊用焉司禮馮保敗有丁替成其獄中外快之居正當國時中允高啟愚主試首題舜亦以命禹亦未有他意也居正旣籍產御史丁此呂劾啟愚命題寓勸進時行擬旨留啟愚而出此呂於外吏部尙書楊巍力駁此呂以曖昧中人於是給事御史俱大譁謂閣部皆居正餘黨時行疏辨語多激有丁密進揭調停其間上下始相安浙江兵譟命兵部張佳允以節鉞往過有丁問計誠之曰是過急則激變緩之則法不行中州有徐景星者舊領此軍爲將士所信

今失職待事薊門可挾以往張如其言軍人果縛首事者九人以獻梟之變遂定累加少傅建極殿大學士卒諡文

敏

邱志兼采許國撰神道碑

沈一貫字肩吾隆慶二年進士選庶吉士授檢討充日講官進講高宗諒陰拱手曰託孤寄命必忠貞不二心之臣乃可使百官總已以聽苟非其人不若躬親聽覽之爲孝也張居正以爲刺已頗憾一貫居正卒始遷左中允萬曆二十二年以禮部尙書兼東閣大學士朝議許日本封貢一貫慮貢道出寧波爲鄉郡患極陳其害貢議乃止時國本未定廷臣爭十餘年不決二十九年貴妃弟鄭國泰迫羣議請冊立冠婚並行一貫因再草勅請下禮官具儀不

報廷議有欲先冠婚後冊立者一貫不可曰不正名而苟成事是降儲君爲諸王也帝意亦頗悟命卽日舉行旣而帝復悔令改期一貫封還詔書言萬死不敢奉詔帝乃止十月望冊立禮成時論頗稱之尋進太子太保戶部尙書武英殿大學士帝久不視朝上下否隔甚一貫雖小有救正大率依違其間物望漸減三十年帝忽有疾急召諸大臣至仁德門獨命一貫至西煖閣一貫叩頭起居訖帝曰朕病日篤佳兒佳婦付與先生輔之礦稅事朕因殿工未竣權宜採取今可與江南織造江西陶器俱止勿行所遣內監皆令還京法司釋久繫罪囚建言得罪諸臣咸復其官給事中御史卽如所請補用朕見先生止此矣一貫叩

首出擬旨以進是夕中使捧諭至具如帝語一貫者翼日
帝疾瘳悔之中使二十輩至閣中取前諭言礦稅不可罷
釋囚錄直臣惟卿所裁一貫欲不予中使輒搏頰幾流血
一貫惶遽繳入無何事變并起廢釋囚二事亦寢不行帝
自疾瘳以後政益廢弛稅監王朝梁永高淮等所至橫暴
奸人乘機虐民者愈衆一貫與沈鯉朱賡共著論以風又
嘗因事屢爭且揭陳用人行政諸事帝不省顧遇一貫厚
嘗特賜勅獎之一貫與鯉不相能禮部侍郎郭正域都御
史溫純吏部侍郎楊時喬皆以清嚴自持一貫不善也由
是黨論漸興浙人與公論忤由一貫始一貫輔政十有三
年當國者四年積不爲公論所與彈劾日衆因謝病不出

三十四年與鯉同時罷而一貫獨得溫旨言者追劾之不

已家居十年卒贈太傅諡文恭明史本傳子泰鴻字雲將能詩

工書法一貫抑之不使應試始就尙寶司丞家居與屠隆

汪禮約及湖南詩僧相唱酬前上者舊傳弟泰藩字長世亦以

蔭補尙寶丞時魏撫民與同寮乞出使以遠之續者舊傳

沈九疇字箕仲萬歷五年進士授刑部主事累遷山東參

政會平度饑姦民嘯聚幾變九疇單騎赴之械治渠魁境

賴以安終江西左布政使閩志九疇在江西有中使來司權

先檄諸長吏迎勅九疇宣言曰勅諭中使非勅守土吏也

例不當迎中使為氣沮一日中使移書自稱予九疇叱其

使曰往唯高皇帝起吳時曾稱予若中貴人何敢爾中使

大懼立造謝其直節自遂如此

靜志居詩話

子鳳超字可凡治

詩古文能傳其父學以進士知海陽縣不入一錢上計京

師至濟南而卒同里王佐方治河啟其橐蕭然無有曰此

真廉吏也資之返葬

兩上者舊傳

沈一中字長孺一貫從弟也萬歷八年進士授虞衡司主

事議罷神嶺山采石民得不擾稍遷儀制郎中時藩藩負

大力有干譎俞旨輒從中出一中爭甚強半得寢出爲按

察副使備兵上荆荆多庶宗貧無賴不受約束一中爲曲

貸其困已而稍整齊之遂奉法擢山東參政以兄居揆席

引嫌屏居者九年起補福建參政稅璫高宗與紅毛番通

擅許貢市尋以疏請番船已泊漳門一中抗言疆臣無死

寇入門理下令集舟師逼使去璫疏遂格不行累遷貴州
布政使筑民隸安撫嘗苦豪右侵爲具請使內比爲州拓
地千里未幾力請致仕歸一貫枋國每自遠避與人語未
嘗一及之人或問相君起居唯唯而已爾上者舊傳孫延嘉字
顯申崇禎五年進士授檢討直起居注充日講官時廷臣
議獄多以刻爲能延嘉講無虐斃獨章反覆切至次日遂
下弛刑之旨丁外艱服闋遂不出南都建國以諭德召亦
不赴

國初詔舉人才海道王爾祿將以延嘉應因辭而止左臣黃撰
遺老

傳
余寅字君房改字僧杲喜讀秦漢以前書倡爲古文萬歷

八年舉進士官工部主事督製賜俺荅妃三孃子袍襦及
犒邊士錦衣日有支發未嘗干一錢凡省縑及金俱貯所
司嘗謂國家一銖一粟俱有神明護之守者蔑視必不祥
人謂余水部真如水也進禮部郎中上正風俗十事疏以
按察副使視學陝西請謁不得入卽御史所首錄士考居
下下最慎鄉賢名宦二祠謂鄉先生非國中大賢豈得冒
祭於社循吏尤不易得必若所祀郟令諸葛京斯不媿召
杜矣京蓋諸葛丞相次孫也稍遷左參政改山東持操廉
白以忤時上疏乞骸骨再起福建再乞休加太常少卿致
仕嘗夢人與語君命若孔子至七十三竟無恙後二年奉
化產一麟郡守使吏來白寅曰吾其死矣未幾遂卒

商上
耆舊

傳

屠隆字長卿嘗學詩於沈明臣落筆數千言立就族人大山里人張時徹共相延譽名大噪舉萬歷五年進士除潁上知縣調繁青浦時招名士飲酒賦詩游九峯三泖以仙令自許然於吏事不廢士民愛戴之遷禮部主事西寧侯宋世恩兄事隆宴游甚歡刑部主事俞顯卿者嘗爲隆所誣心恨之許隆與世恩淫縱詞連禮部尙書陳經邦隆等上疏自理并列顯卿挾仇誣陷狀所司乃兩黜之隆歸道青浦父老爲斂田千畝請徒居隆不許歡飲三日謝去歸益縱情詩酒好賓客賣文爲活詩文率不經意一揮數紙嘗戲命兩人對案拈二題各賦百韻咄嗟之間二章並就

又與人對奕口誦詩文命人書之書不逮誦也子婦沈氏
修撰懋學女與隆女瑤瑟並能詩隆有所作兩人輒和之
兩家兄弟合刻其詩曰留香草

明史文苑傳

屠本峻字田叔大山之子以廕官太常典簿歷南禮部郎
中終辰州知府好詆諧詩多不拘格律晚節歸田愛客益
甚鹽豉蔬果觴客必盡歡守辰州日禁民殺牛有唐生牒
言家貧畜一牛不幸死請醫其肉本峻度其僞也判以俸
錢買牛葬之牽至乃生牛因命小吏飯之及解官衣深衣
騎馬出門州父老泣相送牽牛隨其後時人爲作辰陽留
犢圖年既老好學不倦或曰先生老矣奚自苦爲荅曰吾
於書飢以當食渴以當飲欠伸以當枕席愁寂以當鼓吹

未嘗苦也因自稱慙先生亦曰幽叟起生壙於甬上撰狀
及表年八十餘乃卒至今甬東言風流儒雅輒首及之

靜志

居詩

話

李尙默字子靜衍之元孫隆慶二年進士知確山縣調桐
城治行並第一拜監察御史緹騎犯法按治之其帥怙勢
擅奪去尙默特疏以聞遂罰帥而戍緹騎行部遼東暴卒
橐無遺金吏民共資送其喪歸

甬上者舊傳參聞志

子竣字公起生

而耳聾十齡聞父訃號哭五晝夜遂瘖嘗發先世遺書縱
觀之自國家典故名公鉅卿前言往行下及器物之微靡
不譜其本末候官曹學佺合華亭唐汝詢作二異人傳一
以耳治一以目治咸不惑於公安景陵之說世之號爲詩

家者反不如瘖聾之指揮矣

靜志居詩話

沈明臣字嘉則爲諸生有詩名胡宗憲督師平倭辟置幕府宗憲豁達好士微有酒失善嫚罵明臣嶽嶽不少阿宗憲遙望見爲起立嘗燕將士於爛柯山酒酣樂作請爲饒歌十章明臣援筆立就醜酒高吟至狹巷短兵相接處殺人如草不聞聲宗憲起捋其鬚曰沈生何雄快乃爾命刻石置山下宗憲死明臣走哭墓下持所爲誄徧告士大夫訟其寃已而挾筴走湖海往來吳楚閩粵間尙書張時徹家居最推重明臣歲時伏臘非明臣至不歡時徹歿明臣爲里中耆宿每持刺報客自稱老友每杖策歷佳山水宿精舍輒索素紙題詩不復具草人多匿爲已有垂老尙思

出游或勸止之曰使吾有薄田百畝奚好游爲里中好事

者共出錢爲置善田百畝遂高卧不出年七十餘卒明史徐渭

傳及前上者舊傳張時徹修郡志明臣與邑人倪珣薛晨盧叔麟

李賢洪謨何炯張邦輔預焉搜討纂輯皆出諸人手時徹

裁定而已叔麟字周伯珣字公白晨字子熙謨字禹臣李志

汪坦字仲安玉之子也太學生至京師婦翁聞淵方掌

吏部足跡不輕踐其庭以門資歷官藩幕未嘗一日廢書

子禮約字長文工詩兼善書法從學沈明臣之門明臣遊

四明從大雷入先宿汪氏山房與禮約同行每至奇處輒

相酬唱前上者舊傳

楊承鯤字伯翼父美益官太僕卿承鯤工於詩年十五六

爲諸生沈明臣一見奇之呼爲德祖以是知名於當世少
所許每言是是非非賢賢黜不肖此儒者大權斷斷不可
枉嘗以年家子謁王尙書世貞世貞見其行卷絕驚賞承
鯤默然別去語人曰王先生博大心慈客持片楮求譽輒
津津不休人人自謂王先生知己其知己多矣僕尙容廁
其間耶於城南小築曰脩園日嘯咏其中諸所從交游盡

名士第一流

爾上考
舊傳

葉太叔字鄭朗後更名亭立字介子年十六七輒能詩沈
明臣大奇之謂諸生日年少中得一仙翼復得一葉生吾
足老矣性不能飲然謂人生豈可一日無酒意每晨起童
子爲置虛觴舉觴者三始飯其風致如此

爾上考
舊傳

盧澐字宗潤爲義烏縣吏尋棄歸以醫自給有邀之治疾者見壁上詩和之繞榻吟哦至旦主人以爲怪不服其藥每得金置袖中爲人探去不知知亦不問也故人有知黠縣事者徒步萬山中訪之距縣百里而病夜夢挽其髮盡變爲黃絲寤而語人曰色絲爲絕吾死矣夫果死于客舍平居語沈明臣曰古人旅葬裸葬無所不可何必故鄉明臣因買山于休寧東郭外葬焉題曰詩人盧九之墓靜志居詩

話永嘉何白輯鄞布衣詩十家澐與楊承鯤呂時臣蔡學

用聞龍應臬薛岡周應辰李垞汪樞也

聞志

聞龍字隱鱗亦字仲連淵之孫也甫五歲喪母哭聲感路人事父定省中禮當授產悉讓其兄肥者應出爲人後以

所後母方壯請遲之父老病因習醫方每晨興察色切脉
夜寢則伺其喘息以爲常奉養三十年父歿哀毀過禮所
後母病亟乃往爲治後事以產分所後母三女及其外家
里中稱爲至行性愛山水以父在所出未嘗踰百里當事
重其名每羔幣及門輒謝不見年八十有一卒甬上耆子
舊傳

世選崇禎時保舉辭不受從弟繼泰字治甫早孤事母孝
娶妻甫十日仍侍母寢母病籲天請代至八十六而終卧
柩旁者三載供母像榻前出入必連聲大呼曰娘如是終
其身卒前一日盡焚積券招平時相契者與別拱手正視
而歿子世麟字瑞寓亦至孝國變後幅巾深衣如故人或
危之則曰吾故家子義當然爾

應臬字仲鵠縣學生與閩中曹學佺論詩文甚合學佺欲

纂儒藏引臬為助云

聞志

薛岡字千仞自號天爵翁年八十集其平生元旦除夕詩

為一卷起萬歷庚辰至崇禎庚辰身為太平詞客六十年

名重天下亦盛事也

而上者舊傳

周應辰字斗文縣學生游鄒元標之門元標問曰使周生

為仲尼弟子將誰學對曰某小人願學樊須聞者以為善

於說辭閩人林古度序其詩稱其色古而骨堅

靜志居詩話

李瑋字偉卿好讀書作有韻之文輒得奇語時盛傳王李

七子詩瑋曰此繁聲也今舉一世趨之古意日亡矣於舍

東構一草亭蒔菊數百本每黃花初盛豎一竿如酒帘狀

上書曰酒熟花開高懷者來春間木芍藥著花呼客亦如
菊時製芻袍芒屨經時潔白足跡罕入城市年逾九十作
七適一篇神氣不衰好學如故兩上者舊傳

呂時臣字中父少喜爲詩及壯負氣不能隨俗俯仰嘗於
坐隅書青天白日名山大川八字以避仇遠歷齊梁燕趙
間其在青州衡莊王嘗起高樓東嚮命曰待月樓使客各
賦詩時臣最年少下座徐進一絕句曰川原夕氣交暝色
自相向月猶藏海底人已坐樓上王大喜謂能得待字義
因手觴延之上座晚客瀟瀟宣王禮之亞於謝榛兩上者舊傳
李生寅字賓父好爲詩自然高妙居蕭泉在山水佳處起
高臥樓讀書其中歲收秔秫釀酒旁闢自鉏園種蔬韭供

賓客沈明臣嘗作蕭皋竹枝詞十餘首使童子習唱之年
五十欲製遠遊冠裹糧訪天下名山以親老不果未幾終
於家自署陽谷山人子德豐字子年年十二卽工詩屠隆
見而奇之贈以神鈎篇又語人曰子年意高忤物恐以筆
舌取禍後果以忤某薦紳擿其詩句白當事削諸生籍隆
與沈泰鴻力救之得復是歲鄉試主者謂其文太奇置乙
榜抑鬱縱酒卒德豐爲豐考功坊之甥家藏遺跡甚多遂
造其妙畫山水筆意踈挺亦有石田遺意從子德學字子
敏初應童子試令解衣帶提鞞入歎曰此豈待士禮耶遂
棄經生業專意爲詩郡守丞思一見不可得里中薦紳會
集召之葛巾布衣直造上座或諷使更衣笑而不應前上
者舊

傳

蔡學用字用拙父梧官中書舍人兄某客京師不知其死
所學用奉母至孝撫兄孤踰於已出游京師間行徧求兄
遺骨所在竟得諸寺廡中題識宛然學用哭之慟卽日載
匱歸與李生寅交最深生寅垂沒屬其子德豐曰吾死後
必歲奉蔡先生穀十石終其身德豐以遺命致穀堅卻不
受曰吾無以報亡友地下且君家設有不繼是重負先人
之命也不若自今日辭之聞者歎服所居里名乾溪里人
稱爲乾溪孔子

用上耆
舊傳

吳士瑋字潛玉諸生挾其詩游吳楚間鄒元標方里居上
之詩有到來天地傷多事歸去江湖尙有人之句元標爲

序其游草行之

兩上者
舊傳

吳應雷字鼓和家貧授經案上獨置杜工部集每歲以故

書紙反之裝一冊有作輒書於冊有事則藏諸巾箱方去

久之子弟竊啟視之皆詩草也然終不以示人聞入論詩

不荅老且死終不自言

兩上者
舊傳

孫儀字象可嘗題詩僧寺不署姓名周齊曾見之起拜然

不知何人也後齊曾官嶺外聞儀名邀與同往舟中論詩

甚驩出其集則題寺詩在焉更大驚喜恨相見晚

兩上者
舊傳

胡一桂字百藥其子傳字鱗翼皆能詩父子俱授徒村中

館舍相隔一溪每詩成卽呼緣涯誦之

兩上者
舊傳

張庚星字長生初從屠隆沈泰鴻相唱和年九十後猶作

詩格律工細無老人態自號太白山人陳良謨題其小影云出則傅巖之梅羹處則商山之橘叟其推服如此

續者舊傳

徐應奎字見吾隆慶二年進士授刑部主事積資遷江西贛州知府故例鄉民貿易者以米薪入城必科其稅爲郡守交際需應奎革除之擢河南參政已改廣東轄珠池池居海中奸宄時竊發命兵士守其地有掌兵潘弁者黨比奸人而以賄結內璫及守土大吏反爲獎薦應奎獨摘發其罪輿論翕然稱其廉明遷福建右布政使司舊有羨金二萬充私橐應奎一無所取將解任舉所貯庫者悉籍之官調廣東左布政嫌其地腴辭不就四疏乞歸加太常卿

致仕

曹志

邵城字守齋隆慶二年進士授興化府推官舉卓異會與
當事忤量移永州府同知遇秋試爲同考官張江陵子入
試王者遍屬同考城獲一卷心知爲江陵子特抹數行王
者親搜得駭且讓之謝曰不識耳尋遷刑部郎而抹卷事
已聞於江陵度必爲所中遂謝病歸

曹志

周保字子翼隆慶五年進士屢遷國子監丞申明條約以
身律士歷遷南雄延平兩郡守終於福建鹽運使里居卑
屋數椽與妻子僕隸共脫粟人稱其廉云

邱志

族孫天覺字

後覺由舉人選安慶推官遷鄧州知州地雜蠻獠土官多
相猜天覺坦懷以待境內安戢中官楊榮以諸生李暢忤
已黜之天覺言士子非中貴所得黜力言於學使復其餼

焉曹志

趙參魯字宗傳隆慶五年進士選庶吉士改戶科給事中萬歷二年慈聖太后立廟涿中祀碧霞元君部科臣執奏不從參魯斥其不經且言南北被寇流害生民興役濬河鬻及妻子陛下發帑治橋建廟已五萬有奇苟移賑貧民植福當更大亦不聽南京中官張進醉辱給事中王頤給事中鄭岳楊節交章論未報參魯復上言進乃守備中官申信黨不併治信無以厭人心時信方結馮保朝議遂奪岳等俸謫參魯高安典史遷饒州推官擢福建提學僉事請急歸遭喪服除仍督學福建歷南京太常卿十七年以右副都御史巡撫福建申嚴海禁戮姦商通倭者遷大理

卿召爲刑部左侍郎改兵部旋改吏部日本封貢議起參
魯持不可總督顧養謙不憚爭於朝且言參魯熟倭情宜
任章下廷臣參魯復持前說因著東封三議辨利害甚悉
其後封事卒不成拜南京刑部尙書工部主事趙學仕以
侵牟爲侍郎周思敬所劾擬戍學仕移罪家僮法司予輕
比御史朱吾弼言學仕乃大學士志臯族父故參魯庇之
參魯乞休吏部尙書孫丕揚等言參魯履行素高不當聽
其去詔留之累加太子太保致仕卒諡端簡

明史
本傳

朱瑩字仲明萬歷元年舉人授武陵知縣民有夜卧街而
失其首者指爲仇家所害瑩驗傷非刀斧痕牒於城隍神
夢神言北城塹下有狼穴詰旦探之果得所殘之首有兄

弟訟繼產以千金賂瑩瑩詰之曰汝所爭產有幾云有二千金瑩曰若舍見在而爭未來何不留此金以全手足乎因慙而去播州寇作亂師多屯聚境內瑩善爲措置民賴無擾又稅璫煽虐瑩設法駕馭帖然安堵而稅額亦視他邑爲減歷陞工部員外郎尋改河南僉事致仕聞志

王孫鑰字東鰲由舉人官臨江府通判善決疑獄會鄉人有爲監司者恥以屬禮見遂罷歸里居未嘗干謁惟小民爲勢豪侵欺卽憤然詣公府白之人稱其鯁直聞志

徐待字子器萬歷二年進士授同安令邑紳士多侵奪小民又與胥吏交通陰持令長短待至則建鼓設旂聽民訴冤諸侵牟者不得肆擢監察御史嘗條奏七實議五事縷

縷千餘言皆切時弊遷江西按察僉事卒於官性儉素嘗
出按陝西道經河上輓芻卒從舵樓窺之見一羊裘蒙茸
者疑非真御史叩其從人始駭歎孫承烈由舉人官刑部

主事

邱志

高萃字升伯萬歷二年進士官刑部郎中臨淮侯李宗城
封倭事變獨身逃歸帝怒下詔獄兵部尙書石星本主封
議欲嫁禍於遼之督撫言督撫倡譌言阻封事萃詰宗城
曰汝罪當死若實言當生汝宗城因具言倭實不受封狀
次日廷鞫宗城以實對遂下星獄及定宗城罪萃以八議
上從寬典出知肇慶府興利惠民置田贍士多從惇厚肇

人肖像祀之

聞志

董樾字子亨萬歷五年進士值潞王出閣授編修充講讀
官陞修撰侍講讀如故時禮部郎高桂刑部郎饒伸以劾
奏順天鄉試事被譴樾昌言於朝以爲過執政不喜改廣
西參議旋丁外艱服闋補貴州時播州宣慰楊應龍叛服
不常議川黔並出師樾承檄監都司林盛兵前進應龍私
致金一車爲餽叱不受命壯士潛渡烏江關扳緣而上破
老軍關戮守卒四千餘人出播民之被陷者男婦共四萬
五千餘口已兼程踰水西與安氏諸酋定約束令毋助逆
諸酋皆羅拜願効力應龍憚之以重賄啖營路僞求撫師
遂止諸難民旣出無所得食欲復故土又慮爲應龍所害
樾出帑金賑之檄水西宣慰給地使墾種流民遂安改督

學政諸藩臬監司多缺未補命兼攝每日文符兩集立時
剖決時應龍益猖獗樾獨建議當勦經畧侍郎邢玠至樾
三上方畧陳不可不討之議玠然之仍命監軍遷四川兵
備副使將赴任抵赤水行館應龍潛使人毒之忽頭眩遽

卒

邱志兼採
征播記

按樾之死相傳係應龍遣刺客尾之行宿行館一
夕失其首大吏多庇應龍聲言暴卒其子孫亦諱
之以中毒聞舊志並承之今附記其說於後

林可成字宏志萬歷八年進士知太康縣濬河渠鉏豪猾
邑有蝗爲文遣之忽大風起蝗飛出境歲祲爲粥食老弱
其壯者給錢使繕城民不知饑有饋以新茗者剖其封始

笑受之入爲南臺御史值南北海饑再疏請發臨德二倉及三關歲課兩院存贖以賑俱報可時兵多譁主帥不能治奏請重其罪復請禁宗室不得越關姦民匿揭陷人乞論如法十九年監應天試暴卒

兩上考
舊傳

陳言字伯實以明經授遵化訓導遷大成教諭諸生初進謁歲時所上修脯盡不受見學徒貧不得葬親者更分俸入助之遷知石城縣豪家猾吏相通爲姦盡捕治之下車先與父老誓曰吾若橫取石城一錢卽不得生還所應入耗贖概卻之御史按部索金不應卽口解官歸以行誼見推里中卒年七十七

兩上考
舊傳

吳禮嘉字會之萬歷八年進士歷監察御史時國本論起

臺省合疏諫禮嘉方出按宣府臺中并列其名遂俱罷家

居與周應賓全天叙諸公為林泉雅集賦詩形於圖畫一

時傳之泰昌改元錄建言得罪諸臣贈光祿寺卿甫上者舊傳

陸懋龍字珍所萬歷八年進士知合肥縣入為兵科給事

中遷湖廣參政嘗仿范文正公贍族法捐田百畝分給兄

弟子寶字敬身由國學生考授中書舍人承父志益置田

百三十畝邑令王章為作贍田記聞寶善詩慕陸放翁六

十年間萬首詩年八十果滿其數剗羊豕祭三百篇以來

詩人招集同社餞其餘又與楊德周李桐陳朝輔選邑中

前輩詩為甬東詩括其後李鄴嗣者舊集半因之續者舊傳

王佐字翼卿萬歷十一年進士授工部主事督造毓德宮

壽宮及皇城工出入纖悉皆著之籍同曹心嫉之陰嗾給事韓某奏其侵費疏下部取所著籍會計之不第無所侵而節省反以萬計佐名由是益顯遷知南昌府用法嚴吏皆側足立無敢出聲所攜止老僕三人供爨取給惟月俸此外無絲毫入及以治行薦入京將歸而橐已盡不能賃車馬當事爲給一傳符以行歷陞本省提學副使按察使右布政使皆在江西聲名常如治郡時轉廣東左布政粵中地腴而法寬屬吏上謁非奉筐篚不敢見佐一切禁絕徵賦例有加耗至增十之三四佐命盡準部頒權量無溢取庫有羨金十萬可私悉取充餉以南韶災疏免太平橋稅銀三萬再奏免加派丁糧四萬有奇粵人德之尋擢右

副都御史巡撫江西時稅璫四出爲民害有潘相者居會城橫甚獨稍憚佐佐以利害開諭甚至因使自上請減稅五千商困少蘇李道稅湖口尤不法佐擒治其爪牙奏革奄稅歸有司江右積大水四年民乏食乃奏改折南安漕糧留以貸民又請停牲口厨料諸歲課折宗祿留贖緩免一切重征加派並報可約省數十萬民賴以活又謂有糧道則監兌可裁有府慕官帶徵則課稅大使可革漕糧民運當改官運弓箭條弦本色當改折色凡所建議公私俱兩便擢工部侍郎理河道時河西務口狼矢口並決山陽新挑溝邳州直河及脾沙堽西月隄俱大溢佐東西奔走疏濬合期召入爲工部尙書督定慶二陵皇極殿工陵成

加太子太傅魏忠賢用事力請骸骨歸里居老屋數楹食無兼味終身不畜妾媵卒年七十三加太子太保諡莊簡

甬上者舊傳及獻徵錄

丁繼嗣字國雲萬歷十一年進士由刑部郎歷遷湖廣參議薦布衣瞿九思孝廉鄧元錫於朝進副都御史巡撫閩中日本詐爲琉球貢使突入會城瞰虛實繼嗣疑之使核其貢物果皆日本所產乃獨留其使栢壽候旨而盡遣所從歸國如是積三歲日本計卒不行爲人坦厚善善意長人言其開府有薦無劾終不失長者

甬上者舊傳

周應賓字嘉甫萬歷十一年中進士廷試已擬第一余有丁以同里引嫌置二甲選庶吉士授翰林院編修神宗將

立太子復改傳三王並封應賓率同官疏諫請先正東宮
後封二王不報歷遷吏部右侍郎在講筵多所諷諫以憂
歸里居十六年光宗立召爲南禮部尙書五疏乞休加大
子太保歸里卒諡文穆少嗜學老而彌篤詩人葉太叔負
才氣亢世不合應賓獨與申布衣之好鄉黨賢之甬上耆舊傳
從子元初字立之應賓撫爲已子及承蔭則讓於同祖昆
弟晚年隱於榆林與族子齊曾王玉書陸宇燭稱榆林四
老元懋字德林官思南知府丁艱歸里錢肅樂起兵招之
不赴惟傾家輸餉而已後削髮入灌頂山中終日沈醉性
不喜獨酌呼山僧強斟之山僧醉則斟樵子或歸家則斟
其子弟子弟以事出則執途人斟之人皆避匿不得已乃

獨酌竟以病酒嘔血死人稱為醉和尙續者舊傳

周應治字君衡應賓族弟萬歷八年進士知分宜縣條上

十六事治縣有名擢南吏部主事歷遷湖廣兵備副使會

楚宗華越之變應治被傷引疾歸家居事大母及母能盡

色養年六十餘卒甬上者舊傳從子昌會字興符天啟元年舉

人知通城縣廉潔不取一錢以忤巨室罷歸晚歲削髮為

頭陀以終弟昌時字乘六以兄昌晉挂黨籍刻意思雪之

勵風節杜門不出其子章泰亦以詩人終續者舊傳

林祖述字道卿萬歷十四年進士選庶吉士改監察御史

嘗劾巨璫張鯨救廷杖給事中李沂為時所稱歷官貴州

參議以子貴贈刑部右侍郎甬上者舊傳長子棟隆字無過萬

歷四十七年進士仕至吏部侍郎次岳隆字視公淡於榮
利恥由兄干進故爲諸生四十年終不得一第丙戌以次
當貢棄之張煌言招之至幕府歎曰天所廢莫可支徒死
亦無益遂隱居不出次祚隆字永如崇禎中以孝秀徵至
京因兄嫌辭歸晚避居剡源九峯山中子宏珪亦承父志
不試工詩次奕隆字萬葉少工度曲亂後家徒壁立時時
填詞爲變徵之音竟潦倒而卒

聞志參續
耆舊傳

水卿謨字禹陳萬歷十四年進士授寧國知縣歲大祲請
停征復勸有力者助賑謀所以拯民者甚備邑中賦役多
不均躬校簿書力爲調劑諸宿弊盡革上官廉知其勤調
繁丹陽地當衝要迎送無虛日又浚饑修荒政如寧國時

竟得疾嘔血卒子佳允天啟二年進士仕至湖廣督學副

使同邑有桂逆案者代爲疏辨落職歸

邱志參續
耆舊傳

葛文炳字星垣萬歷十六年舉於鄉授南城知縣宗藩率
攫民取利文炳謁益王從容陳其弊王感悟由是犯者得
先啟其罪面決之民藉少安縣南有烟火山七十二障民
樵牧其中豪家詭言王府造塋踞之復白王立石分其界
縣俗尙鬪狠多食山砒草自毒誣人文炳召縣中父老曰
衙園種菜聞山砒草能殺蟲可多取以來旣至命取火焚
之曰殺蟲尙不忍況殺人乎凡緣隄有此草悉命除之民
輸稅投櫃上設一銅鼓吏重其入卽鳴鼓以聞治行稱第
一遷南京大理評事一年多所平反以疾歸卒

而上耆
舊傳孫

世振字似上崇禎十三年進士第二人及第授編修充日講官奏對論兵餉云增兵不如練兵加餉不如清餉莊烈帝爲書其名於御屏莊烈頗好察每入講陳經旨必歸寬厚授東宮講讀以省親告歸明亡杜門不與世事兩膺徵

召皆不赴

聞志

傅光前字長孺萬歷十七年進士授南太常博士南曹事簡日與周道登諸人講求陽明之學或中夜有得則秉燭起書吏部尙書陳有年薦爲驗封主事光前方請假歸有司遣人郊迎光前已乘小舟從間道抵家矣及莅任慨然以澄清仕途爲事僅半載爲忌者所撼罷去

曹志

范鈔字宣卿萬歷二十三年進士授刑部主事上疏規時

政闕失請躬郊社御講筵早定儲位補曠官罷礦稅所陳
俱國家大計語極剴切不報旋改工部積資出爲四川參
政致仕歸卒年七十二

甬上耆舊傳

弟鉅字大卿以恩貢爲常

熟教諭課士先器識而後文章三載卒於官清橐蕭然士
多扶櫬以歸鎬字武卿嘉靖十六年舉人爲寧國令有政
聲丁外艱歸孝養繼母服闋不就銓家居友愛林泉自適
以終其身鈞孫汝植官中書

閩志

徐時進字見可萬歷二十三年進士初授南工部主事稍
遷職方郎中時援高麗兵奉虎符橫索餉大譁時進獨與
面陳利害衆遂懾出守岳州中官采權四出郡縣長之如
虎時進獨遣吏前通刺璫謂他郡無敢均禮可速更刺來

時進如不聞命駟訶直抵舫次抗顏相對璫亦憚其嚴整
卽解舟去調守荊州免沙市稅舟清宗祿詭籍者罷單民
門稅築長隄甃龍陂荆民德之再擢廣東副使以水陸兵
攻海盜破其舟商艘得通入賀萬壽遂乞歸天啟初起南
京光祿寺少卿未赴卒年八十四通上者從子之垣字維
翰天啟五年進士授江西永豐知縣俗淳事簡每循行阡
陌老稚多邀入其室或逾數日始歸調吉水縣永豐民詣
巡按請留不可輒擁歸縣環守不得行數日乃微服去吉
水爲鄒元標故里元標沒爲營身後事且爲立祠丁艱起
補松溪擢監察御史侍郎陳子壯以爭宗室改官事下獄
之垣疏救之留中不下出按湖廣溫體仁言其病不任封

疆移疾去體仁罷以原官起召對平臺稱旨命按江北歲
大祲發贖緩以賑作大厰收遺孩養之全活甚衆改湖廣
提學僉事國難後削髮爲頭陀終高斗樞撰墓誌鳳垣字掖青少
爲諸生與華夏王家勤林時躍諸人爲鶴山七子之會及
諸人半以國事死復與萬泰高斗魁李鄴嗣諸人爲寒松
齋六子之會爲人和平樂易而苦節自矢自同志往還外
不妄出門高宇泰嘗曰四十年以來能依然處子之耿介
者掖青與霞舉耳霞舉者林時躍也續者舊傳

朱勲字定國大父源性孝友多隱德勲少爲諸生謁太倉
王世貞卽留館中使其子師事之萬歷二十五年舉於鄉
授靖江令數斷疑獄疏河渠罷無名之征瀕江田坍漲不

常勲履畝度之賦其漲以代坍者遷同知松江善治盜除郡中大猾治行赫然爲同官所忌罷歸性嗜古所居五岳軒購先代彝器名蹟充其中博古家所載某物在四明朱氏卽五岳軒也甬上者舊集子陞字伯升以進士知休寧縣陞子鈇字仲爽以結客傾其家與徐鳳垣林時躍善勲從孫金芝字漢生游黃道周之門兵後逃之仗錫山不與人世

接晚年浪游荆湘不知所終續者舊傳

董光宏字君謨父棻官南安通判光宏中萬歷二十九年進士以刑部郎恤刑福建所平反多遷河南參政時福藩初建彈壓不少假諸璫咸奉約束再擢順天府尹執法不阿中官乞免其莊田役不許從中擠之遂以兵部侍郎致

仕卒年七十二甬上耆舊傳

趙世祿字文叔中萬歷二十九年進士授刑部主事議楚藩之獄詞連大帥執法不阿出知蘇州府修三江水利盡去私占再擢江西按察副使備兵吉安與鄒元標郭子章諸先生交執禮甚恭江右士翕然宗之未幾引年歸甬上耆舊傳

莊學曾字仲肩家居與兄弟講學於堂設講鼓兩楹間節以金石進止揖讓俱從古禮歌雅詩人稱爲程朱後身以舉人授東光訓導出俸薪修葺學宮家人僅給饘粥遷知樂安縣以徵稅不取羨耗忤上官意謫順天知事時經畧尙書袁崇煥襲殺烏帥毛文龍學會上疏劾之所司匿其

疏不爲上學會初爲令嘗言吾死後當表於墓道曰天下
廉吏莊天目斯可矣及卒官橐無遺財同鄉有在治中者
爲醵賻始得含殮

兩上耆
舊傳

葛仁美字無懷萬歷二十八年舉人初授同知撫州署府
事却權稅例金有政聲歷遷廣西按察副使治潯寧太思
諸郡土司梗服不常仁美防馭周密俱奉約束修貢如期
吏民安之以年老致政終於家

兩上耆
舊傳

范汝梓字君材萬歷三十二年進士授工部主事劾太監
陳永壽冒破金錢疏請東宮講學降四川酉陽經歷稍遷
同知襄陽府流賊圍南漳五日汝梓時攝郡事固守拒賊
遷知府性嗜學所積四部與族人欽大徹畧等里中藏書

家必推范氏焉

甬上耆舊傳

李樛字長孺生成之孫樛登萬歷二十九年進士授行人擢御史例轉廣東鹽法僉事歷山東按察使四十七年秋擢右僉都御史巡撫貴州貴州宣慰使安堯臣死子位幼族人邦彥專兵柄會朝議徵西南兵援遼邦彥欲乘以起事詣樛請行樛諭止之邦彥歸益爲反謀樛累疏請增兵益餉中朝置不問樛六疏乞休天啟元年始得請以王三善代而奢崇明已反重慶陷遵義貴陽大震樛遂留視事時城中兵不及三千樛與巡按御史永安貸雲南湖廣銀四萬有奇募兵四千儲米二萬石治戰守具而急遣兵援四川屢捷遂復遵義二年二月邦彥遂挾安位反統水

西軍及羅鬼苗仲數萬東渡陸廣河直趨貴陽別遣王倫等下甕安襲偏橋以斷援兵檄永安聞變亟議城守分兵爲五令僉事劉錫元及參議邵應禎都司劉嘉言故副總兵劉岳分禦四門檄自當北門之衝永安居譙樓圍街市兵防內變賊至盡銳攻北城檄迎戰敗之轉攻東門爲錫元所却乃日夕分番馳突以疲官兵爲三丈樓臨城用婦人雞犬厭勝術檄永安烹彘雜斗米飯投飼雞犬而張虎豹皮於城樓以蔽之乃得施礮石夜縋死士燒其樓又數出城邀賊糧賊怒盡發城外塚徧燒村砦又先後攻陷廣州普定威清普安安南諸衛貴陽西數千里盡爲賊據川貴總督張我續巡撫王三善擁兵不進檄永安連疏告急

詔旨督責之賊聞三善將進兵益日夜攻擊長梯蟻附城
幾陷者數矣檣奮臂一呼士卒雖委頓皆強起斫賊賊皆
顛踣死城下三善屢被嚴旨乃率師破重圍而進十二月
七日抵貴陽城下圍始解檣乃辭兵事解官去方官廩之
告竭也米升直二十金食糠覈草木敗革皆盡食死人肉
後乃生食人至親屬相噉檣盡焚書籍冠服預戒家人急
則自盡皆授以刀縋城中戶十萬圍困三百日僅存者千
餘人孤城卒定皆檣及永安錫元功進檣兵部右侍郎永
安太僕少卿錫元右參政及圍解當再叙功御史蔣允儀
言安位襲職時檣索其金益致啟釁章下貴州巡按侯恂
覈未報御史張應辰力訟檣功恂亦白其誣吏部尙書趙

南星等言檮已進官當召還竟不召崇禎元年給事中許
譽卿再以金盆事劾檮下川貴總督朱燮元等再覈御史
毛羽健乃上疏曰安奢世爲婚姻同謀已久奢寅寇蜀邦
彥卽寇黔何用激變當貴陽告急正廣寧新破之日舉朝
皇皇已置不問後知檮不死孤城尚存始命王三善往救
至則圍已十月安酋初發難崇明欲取成都作家邦彥欲
圖貴陽爲窟西取雲南東擾偏沅荆襄非檮扼其衝東南
盡塗炭乃按臣永安不二三載躋卿貳督師三邊檮則投
閒林壑又以永安謗書爲檮罪案金盆之說發自允儀當
年已自承風聞何至今猶執爲實事貴州人亦爭爲檮訟
寃燮元乃借巡按御史趙洪範交章雪其枉檮事始白九

年叙守城功進一秩賚銀幣久之卒於家

明史本傳

從弟桐字

宗海崇禎十年進士知潮陽縣有惠政召見改永清縣縣

再被兵村落蕭然桐還定安集之魯王時授禮部主事尋

歸順治五年有告四明大族多懷貳者名捕百餘人桐與

高斗樞實爲之首以無驗得解出獄後尋卒

續者舊傳

李康先字嵇仲堂之曾孫萬歷三十五年進士改庶吉士

授檢討以母老病乞終養天啟初服闋起左贊善遷右諭

德纂修神宗實錄兼經筵講官轉右庶子尋遷禮部右侍

郎國子監祭酒時魏忠賢盜弄威柄康先奉職居官毅然

弗移熹宗幸學臨彝倫堂故事司成坐講三品以上坐聽

忠賢恥於侍立授意鴻臚惟傳講官坐康先正色曰坐而

聽者有祖制鴻臚官何得擅更於是廷臣當坐者坐忠賢侍立如故楊漣罷出國門康先與一二同志挈尊酒餞於郊於邑而別其後忠賢矯旨以康先爲黨人亦斥歸崇禎改元以原官起用遷吏部左侍郎進禮部尚書加太子少保時兩浙學使黎元寬忤內閣溫體仁挂彈章屬康先重按其事康先疏謂元寬激揚煥發之意多而忠厚和平之氣少體仁曰是爲元寬薦章也於是又目康先爲黨尋以磨勘舉子卷削籍歸子振璣振玘以孝友世其家魯王監國追叙康先廕授振璣尚寶丞振玘都督府都事振玘字佩于幼侍京邸賢姦事跡皆所目擊每衣冠高會追叙兩朝始末聞者以當信史振璣坐累下獄振玘竭所有營救

得免家由是落鬱鬱相繼卒

聞志參續
耆舊傳

陸世科字從先父大漳少授徒平湖夜聞叩門聲啟視則一少婦閉門拒之次日託它故辭去又嘗赴館宿舟中得白金二鎰視其封識則同里范某物遽返棹訪其人還之再抵館已二月杪主人別延師矣徒手而歸其厚德如此世科年踰艾始登萬歷三十五年進士第授建安令猶及迎養其父每事必咨焉丁艱歸起補增城邑瀕海多盜往往倚豪家爲窟穴世科得其主名寘諸法盜爲衰止境內產斷腸草入口立死無賴攫富室金不慊輒服此草誣之世科令民有輕罪許入草根以贖每朔望則焚之閱二年其種遂絕擢御史天啟初巡按廣西復巡視兩淮鹽漕嚴

禁夾帶商引大行溢額三十萬時魏忠賢生祠徧天下或告以識時局且言已構一祠請署公名於額世科曰吾五十始登第頭顱如許乃復取譏清議耶尋命巡視京營京營皆羣奄主其事內操無時巡視者晨夜不得休蓋欲以是困之而世科迄不與通遂削籍崇禎改元召還臺陞太僕少卿遷南大理卿致仕卒贈右都御史

聞志

黃景章字唐叔萬歷三十五年進士知平原縣以治行聞入爲工部主事歷郎中再遷湖廣按察使入覲舉卓異賜宴再擢應天府尹引年歸卒贈工部侍郎

前上者舊傳

項良梓字鄧林萬歷三十八年進士授刑部主事奉命恤囚山東遼左屢平反疑獄擢永平知府值軍需旁午殫力

以應事皆集晉昌平兵備副使陵軍多虛額守陵內官乾
沒其餉良梓請覈之爲璫所構罷歸

曹志

王嗣奭字右仲萬歷二十八年舉於鄉教授黃巖宣平知
宿遷縣左遷建州經歷擢知永福縣奸民多以米餉海盜
嗣奭嚴禁其闕出者復力卹鹽商之困遷知涪州與監司
忤罷歸執贄劉宗周之門曰吾以罪失官反以罪得學可
謂失魚而得熊也年八十三卒少時爲余寅所賞酷嗜杜
詩嘗夢見少陵與握手論句法及官涪州以事至錦官城
過浣花草堂遺像宛如夢中

續者
舊傳

楊德周字南仲守陞曾孫萬歷四十年舉於鄉官金華教
授擢古田令嘗夜閱獄詞鬼哭於庭祝之曰有寃當再哭

聲愈厲廉得其實昭雪之再遷知高唐州致仕魯王監國
以尚寶卿召不赴年七十六卒德周工詩晚與王嗣奭葛

世振爲汐社三老

續考
舊傳

張鳳墀字宸宣淵之曾孫世尚清白萬歷四十年舉於鄉
三上公車罷歸授涪州知州有異政踰年遷同知興化府
曾大父嘗爲此郡推官有生祠鳳墀至每朔望必身造祠
以所行焚香上告改調大足知縣甫及期投劾去時里人
王嗣奭知涪州李栴知營山俱以直道見忤一時解組論
者惜之初爲諸生出無衣及舉孝廉方製一紫花布袍服
之數十年每飯常盛一甕器僕夫偶損一角請易之先生
笑曰三瓦不全此世間豈有完物吾不與易也其風格若

此甬上耆舊傳

殷宗輔字翼聖萬歷四十一年進士授東阿令甫至值旱蝗捐俸為紳士倡令各出儲粟為粥以活飢民邑民流亡入淮徐者招歸凡千餘人給以牛種俾復業更立社學以教子弟卒於官民祠祀焉曹志

李遵字于鴻父先嘉工詩遵由萬歷四十七年進士歷監察御史出為陝西按察僉事性高爽脫俗嘗於城北起園亭為別業位置泉石有若自然時鄞令王章慈谿令汪偉皆循吏與遵交偉每至郡輒與章同過遵園閉門酣飲時徹旦次早章乘輿入縣放衙畢復集或天暑共浴池中一

時傳為佳事甬上耆舊傳

謝三賓字象三天啟五年進士知嘉定縣爲均田以均役
濬吳淞江西南鄉民田皆受其利擢陝西道御史崇禎五
年李九成等圍萊州三賓疏言成事在人此不過數月
卽勅巡按監軍事至昌邑請斬逃帥王洪劉國柱詔逮治
之兵部尚書熊明遇坐主撫誤國罷去三賓復抗疏請絕
口勿言撫事未幾萊州圍解明年登州平叙功進太僕少
卿丁憂歸晚年與錢肅樂等爲難爲鄉評所薄云據明史
朱大典
唐時升傳子于宣字宣子崇禎十六年成進士授行人闖
及閩志賊破京師將投纜其僕阻之旋爲賊執索金帛掠治甚酷
械置馬棧中或以火炙之十指被拷俱折目睛突出寸許
無乞哀語將死棄諸途年三十有一福王時三賓請卹追

贈太僕少卿蔭一子入監讀書

志

朱應樞字國中以貢授沙縣丞持清操不橫得民一錢縣

有大決灘屢覆民舟應樞爲文祭水神遂成安瀾又嘗爲

民請典利民饋以巨餚潛致白金其中覺之却不受民感

其德建亭顏曰却金應樞撤其額曰吾豈以博名高耶擢

永安令卒官橐中錢不能具棺卒之夕永安城隍祠守者

聞騶呵聲曰朱公新赴官民因樹石廟門曰愍德哀思之

碑而上者
舊傳

施翰字季鷹善行草書亦能詩嘗遊遼左爲李成梁客因

習騎射中武進士授萬安守備鄒元標講學里中翰執贄

行弟子禮遷四川都司晉雲南參將控禦苗蠻境內帖然

擢神機營都督僉事引疾歸家居垂二十年於宅後起竹
中精舍棲息其中四方客至四明者必造其園亭飲酒賦
詩連日夜不厭卒年八十一

前上耆
舊傳

高斗樞字象先崇禎元年進士授刑部主事坐議巡撫耿
如杞獄與同列四人下詔獄尋復官進員外郎五年遷荆
州知府久之擢長沙兵備副使湖南土寇蠭起長沙止老
弱衛卒五百又遣二百戍攸縣城庫雉堞盡圯斗樞至建
飛樓四十大修守具臨藍賊艘二百餘由衡湘抵城下相
拒十餘日乃却去轉攻袁州遣都司陳上才躡其後賊亦
解去尋擊殺亂賊劉高峯等撫定餘衆詔錄其功巡撫陳
睿謨大征臨藍寇斗樞當南面大小十餘戰賊盡平詔賚

銀幣十四年六月進按察使移守鄖陽鄖被寇且十載百里荆榛斗樞至甫六日張獻忠自陝引而東斗樞與知府徐啟元遣遊擊王光恩及弟光興分扼之戰頻捷賊無敢犯光恩者均州降渠善用其下下亦樂爲之用斗樞察其誠招入郡守斗樞啟元善謀光恩善戰鄖城危而復全十五年冬李自成陷襄陽均州攻鄖陽四日而去明年春復攻十餘日不克乃還屯楊溪五月斗樞召遊擊劉調元入城旬日間殺賊三千餘自成將來攻卒不克而去乃令光恩復均州躬率將士復穀城將襲襄陽聞孫傳庭敗旋師均州復爲賊有十七年正月自成遣將路應標等以三萬人攻鄖斗樞遣人入均州燒其蓄積賊乏食而退當是時

湖南北十四郡皆陷獨鄖在中朝謂鄖已陷不復設撫治
及斗樞上請兵疏始知鄖存衆議卽任斗樞而陳演與之
有隙乃擢啟元右僉都御史任之加斗樞太僕少卿路阻
不能達是年二月初議設漢中巡撫擢斗樞右副都御史
以往朝命亦不達至三月始聞太僕之命卽以軍事付啟
元七月而北都變聞并聞漢中已失不可往福王立移巡
撫湖廣以道路不通不赴後數年卒

明史本傳

高斗權字辰四斗樞弟少爲諸生有盛名後棄去斗樞被
逮至杭斗權竭力救之獄始解晚年壁立瓶罄緼袍敝屣
怡如也爲人風度淡蕩發言皆有深致古文簡貴有法

續耆

高斗魁字日中斗權弟國亡後屏舉業不事一門中互相師友詩文風發泉湧諸公皆爲傾倒從黃宗羲講學其弟宗炎下獄幾死者數矣斗魁百計出之嘗遊武林見昇棺過者血瀝于地曰是未死啟棺與以藥果甦江湖間謂高且中能起死人求治病者延請無寧晷久之喟然曰吾始有志于姚江念臺之傳旣而從事于詩古文詞今乃以方技顯乎由是一意講學未幾卒

續耆舊傳

高字泰字虞尊斗樞子少與華夏王家勤善錢肅樂起兵輸家財助軍授兵部員外郎其後斗樞自鄞歸以華夏事牽連父子同入獄後又以通書海上繫杭州獄累年乃得釋在獄中彈琴不輟仁和令聞琴聲異之使人載酒邀與

共飲自後隔三日必與同飲及事解遣人謝之竟不往謁也晚節頽然自放與方外游又集遺老爲詩社稱南湖九子九子者徐振奇王玉書邱子章林時躍徐鳳垣錢光繡高斗權李鄴嗣及宇泰也後增周元初爲十子邱王相繼沒而倪元楷入社仍爲九子嘗曰謝臯羽非易及矣然月泉之集同社至二千餘人何其交之濫也得無有妄豫其中者乎其考證最精如黃公林之譌黃姑林大禹廟之譌謝女廟後來聞性道所改正實自宇泰發之

全祖望撰墓表及續者舊

傳

錢敬忠字孝直父若賡隆慶五年進士初任禮部以選妃事忤神宗意及爲臨江知府會勘故御史劉臺爲江陵所

陷狀據實無所阿徇江西故撫臣坐是遣戍諸貴人之欲庇江撫者皆怒臨江多盜若賡治之嚴遂以酷吏上聞神宗以前憾必欲殺之三法司及臺省屢爭不能得閣臣申時行知其非辜乃議緩決繫獄敬忠與兄靖忠益忠皆受經獄中抱痛力學每值恩赦卽匍匐乞哀當事以獄詞重迄不獲援例萬歷四十六年靖忠敬忠皆舉于鄉明年敬忠中會試將拜疏大臣謂上怒未解懼速之死乃不赴廷對作誓墓文以必死自期熹宗嗣位敬忠詣闕歷陳得罪本末得旨令部臣集議遷延未上復奏臣父年已八十倘不獲宥願賜臣一死釋父出獄通政司格之不得上敬忠更節錄前二奏囚服跪午門祈閣部諸公爲之轉請時江

西人官京師者徐良彥妻曰廣輩亦出公揭而鄒元標方起掌刑部乃促令法司議之議上得旨若賡放還鄉里靖忠字獻孟以父老不赴公車授經於鄉痛父罹禍布衣蔬食終其身益忠字謙仲以貢生爲瑞安訓導造士有方邑人立祠祀之天啟初敬宗補廷試授刑部主事中官方熾林居不出其成進士出涿州馮銓門銓方柄用不一與通崇禎時御史沈希詔奏敬忠泣血長安道上三年而出父於死馮銓炙手可熱敬忠視之若浼宜加殊擢詔以原官起用後出守寧國府罷歸宏光時三上疏南京極論時事不報乃歸峽石之寓亭自稱崇禎遺臣以終子光繡字聖月少游黃道周之門崇禎十七年上書史可法請引兵勤

王又請追還漕艘勿齎盜糧後南都陷自署寒灰道人與
學佛者爲方外交續者舊傳

錢啟忠字沃心父若選諸生以父病探藕池中終身孿疾
里以孝稱啟忠幼有書癖天啟初舉於鄉遂執經鄒元標
之門崇禎元年成進士與同年劉之綸金聲黃端伯金鉉
朱天麟吳甘來王章汪偉管紹寧周鳳翔輩結社論學毅
然以名教自持觀政兵部時崔魏亂政後所在書院盡折
毀抗疏請復又疏陳時事八條皆切中利病於是劉宗周
李邦華賀逢聖倪元璐深相引重尋除南康推官平反之
暇修白鹿洞書院朔望集諸生發明聖學補理撫州葺崇
文書院復集生徒講學陞刑部主事上清獄疏囚修治新

監相埋故犯四說帖著爲定例江夏郭昭封以草屨事論
死啟忠念其爲正域子力爭減戍陳子壯湯開遠建言下
獄上疏乞宥丁憂服闋轉禮部員外郎途經山東流殍載
道疏請留漕十萬石賑之全活無算十四年督學山東妻
高氏率家人三十餘口至李家莊猝遇流寇剽掠成羣高
氏諭之放兵羅拜則皆昔日所活之饑民也時詔各省學
臣直陳起廢啟忠疏舉高宏圖華允誠金聲陳必謙陳靖
之皆一時夙望從子肅鏞族子肅臨皆克敦文行世其學

曹志

黃嘉駕字仲籲天啟元年恩貢廷試第一名授彭水令彭
爲蜀巖邑地瘠民貧催科甚苦率多流亡嘉駕悉除火耗

用意招徠由是復業者衆民爲立祠在任四載以卓異薦陞貴州開州知州崇禎十六年流寇四起聚土苗千餘欲突省城道出于開嘉竊閉城拒之急申文請援而援兵無一至者城陷賊欲脅之去嘉竊大罵被刺傷股不屈乃舍之卽奔入城抱城隍廟像大慟觸階死子近袞近辰聞父殞亦奔至死所自殺乾隆四十一年

賜諡節愍

明殉節諸臣事迹

李振珽字詔枋由舉人知保安州崇禎十五年陞知寶慶府次年張獻忠陷寶慶與通判何三俊俱被執三俊謀于振珽振珽曰死耳不可遺臭名後世賊并兩人繫至衛州乘間自投湘水死弟振珽僕李六鳳周科徐彩皆殉焉賊

退家人覓其尸不得招魂歸葬乾隆四十一年

賜諡烈愍

明殉節諸臣事迹

袁斌仕至江西參將值奉新土寇起奉檄往勦兵敗斌力戰死之乾隆四十一年

賜諡節愍

明殉節諸臣事迹

陳良謨字士亮崇禎四年進士授大理推官初名天工莊烈帝虔事上帝詔羣臣名天者悉改之乃改天工名爲良謨在職六年兩注上考行取陞見擢御史十二年出按四川期滿當代再畱任時流寇大入蜀詔良謨專護蜀王巡撫邵捷春專辦賊良謨飭守具堅壁清野賊犯成都遣將據要害爲犄角一再戰賊潰奔帝聞賊擾蜀下詔責良謨

已聞其善守禦乃優旨賜銀幣及還朝賊勢益迫所規畫
率不行而京師陷矣良謨常夢拜文天祥於堂下天祥揖
之上曰公與予先後一揆何下拜爲覺而異之及城陷良
謨方移疾臥邸中一慟幾絕自是水漿不入口或勸良謨
無死不答謂邑子李天葆曰吾爲國死義不顧家惟是母
老先君莫葬繼嗣未定須一言耳因賦詩付天葆未幾聞
帝崩煤山大慟曰主上不見服臣子敢具冠帶乎吾巾囊
安所得明巾天葆以巾進良謨著巾藍便服起入戶妾時
氏隨之遂與妾俱自縊死時氏京師人年十八良謨逾五
十無子以禮納之侍良謨百三日耳良謨旣卒其族人以
其兄之子久樞爲之後未幾久樞亦卒良謨竟無後贈太

僕卿謚恭愍

本朝賜謚恭潔

明史本傳

應廷吉字斐臣由舉人謁選授礪山知縣史可法督師揚州擢淮安府推官赴軍前爲監紀廷吉精天文三式之學先是崇禎十年計偕至宣武門見一白雞喙距純赤重四十觔觀者莫識廷吉慘然曰此鴛也所見之國亡十六年六月露坐陰雲四合雷電交作有火星出聲如爆廷吉曰天元玉歷所謂電中聚火也人君絕世此殆是乎可法按部至淮升帳有旋風從東南起吹折牙旗轉至丹墀令廷吉書之曰風從月德方來加本日貴人時當有貴人奉王命而至者風勢飄忽旋轉其事爲爭音屬徵象爲火數居

四二十日內當有爭鬪之事近則虞火災損二畜越三日城西北隅火燬民舍焚一驪匝月而有土橋之變高太監以朝命至如其占焉淮陰紫霄觀皂筴樹產物如飴色黃味美士民觀者以爲甘露也廷吉見之曰此爵飴也白者爲甘露黃者爲爵飴所見之地期年易主高傑將行誓師禱蘇風起蘇折西洋砲無故自裂廷吉以爲不祥十月十四日登舟廷吉曰此俗稱月忌日也又爲十惡大敗高帥其不免乎明年正月傑果爲許定國所戕可法議修屯政廷吉曰國家故有屯軍世受業爲恒產矣安所得閒田而屯之且田所穫旣入於官有司常賦又將何出聞桃源諸生有願輸牛百頭麥五百石以博縣令者此面欺耳可法

嘗夜召廷吉問之曰垣星失耀奈何廷吉曰上相獨明可
法曰輔弼皆暗上相其獨生乎愴然不懌左良玉兵東下
可法又問廷吉曰君言夏至前後南都多事果何見也廷
吉曰今歲太乙陽局鎮坤二宮始擊關提主大將囚客參
將發且文昌與太陰併凶禍有不可言者夏至之後更換
陰局大事去矣及揚州陷廷吉不知所終維揚殉節始末
錢肅樂字希聲益忠之子崇禎十年成進士授太倉知州
豪家奴與黠吏爲奸而兇徒結黨殺人焚其屍肅樂痛懲
皆斂手又以朱白榜列善惡人名械白榜者階下予大杖
久之校者日少嘗攝崑山崇明事兩縣民皆立碑頌德遷
刑部員外郎尋丁內外艱順治二年

大兵取杭州屬郡多迎降閏六月寧波鄉官議納款肅樂建議起兵諸生華夏董志寧等遮拜肅樂倡首士民集者數萬人肅樂乃建牙行事郡中監司守令皆逃惟一同知治府事肅樂索取倉庫籍繕完守具與總兵王王之仁締盟共守聞魯王在台州遣舉人張煌言奉表請監國會紹興餘姚亦舉兵王乃赴紹興行監國事召肅樂爲右僉都御史盡錢塘而守尋進右副都御史上言國有十亡而無一存民有十死而無一生賢人蜚遜不肖攘臂一也憲臣劉宗周之死關係宗社密章太牢朝典未備二也外戚張國俊權傾中外三也臺省直諫發言盈廷無裨羣枉四也朝章令甲委諸草莽五也狎邪小人借推戴以呈身闖茸下

流冒舉義而入幕六也楚藩江干開詔息同姓之爭李長
祥面加斥辱七也咫尺江波烽烟不息而越城褻衣博帶
滿目太平讌笑漏舟之中回翔焚棟之下八也所與託國
者強半南都故臣飛蛾滅燭至死不改九也民爲根本七
月雨水廬舍漂沒以水死西成失望以飢死執干戈衛社
稷以戰死文武衙門絳標寸紙一口數至以供應死越人
衣食取辦於舟楫調發旣多民皆沈舟束手以無藝死比
戶困於誅求此營未去彼營又來以財死富室輸財非有
罪也而動加榜掠以刑死兵馬所過沿門供億怒罵及於
婦女以辱死甲獻乙之貨丙報丁之怨百毒齊起以憂恐
死今竭小民之膏血不足供藩鎮之一吸將來合藩鎮之

兵馬不能衛小民之一命恐以兵亂死十也若不圖變計
不知所稅駕矣當是時之仁及大將方國安並加封爵其
兵食用寧波紹興台州三郡田賦不能繼恒缺食已加兵
部右侍郎明年五月軍食盡悉散去魯王航海肅樂亦之
舟山唐王召之甫入境王已沒遂隱海壇山採山薯爲食
明年魯王次長垣召爲兵部尙書薦用劉沂春吳鍾巒等
明年拜肅樂東閣大學士每日繫一舟票擬章奏封進後
牽船去其所票擬不過上疏乞官部覆細小之事大者則
鄭彩主之魯王亦不得而問也唐王雖歿而其將涂登華
爲守福寧魯王遣大學士劉中藻攻之登華欲降疑未決
曰海上豈有天子舟中豈有國公肅樂致書將軍獨不聞

南宋之末二帝並在舟中乎今死守孤城既非忠義又不
能保身計之左矣登華遂降鄭彩專柄連殺熊汝霖鄭遵
謙肅樂憂憤卒于舟故相葉向高曾孫進晟葬之福清黃

蘖山

明史本傳兼采黃宗義傳

乾隆四十一年

賜諡忠節

明殉節諸臣事迹

肅樂弟肅圖肅範肅遴肅典肅采皆

知名肅範工書能詩文魯王在琅琦授檢討肅樂死從劉
中藻守福寧城陷被執使之降曰吾大學士弟無降理延
頸就戮肅典避地瑞安聞魯王在健跳私上箋問起居事
露死未幾肅遴亦死肅采終身不娶惟肅圖有子濬恭立
以爲肅樂後續耆舊傳

莊元辰字起貞崇禎十年進士釋褐南太常博士八載不

遷福王稱制議選科道馬士英遣人諭意曰但一謁相公
掌科必無它屬元辰峻拒之遂改刑部主事卹刑江南乞
假旋里未數月而南都陷錢肅樂之舉事也將西行畱千
人屬元辰城守召爲吏科給事中遷太常卿兼吏科如故
元辰上書言殿下大仇未雪將士冒鋒刃於外編氓浚膏
血於內宜臥薪嘗膽之不遑而數月以來漸耽逸樂輕用
恩賞殿下試念兩都三殿播越不守則居處何以安念孝
陵長陵薦奠無時則對越何以慰念太子二王之辱則撫
王子將無以爲情念江干將士列邑編氓之困則一切奉
御可以俱廢疏入報聞又言中旨用人之非乃南都批政
臣叨居科長簡不敢奉詔蓋是時妃父張國俊用事多由

輦金授官元辰屢有封駁中宮力尼之卒不見聽已而馬士英又至元辰言不斬士英國事必不可爲不報遂歸未

幾疽發背卒

續者舊傳

張煌言字元箸父圭章刑部員外郎煌言年十六補諸生莊烈帝以時多故命學使於試文之後校射煌言三發皆破的舉崇禎十五年鄉試錢肅樂之起兵也遣煌言迎魯王於天台授行人魯王至會稽賜進士加編修魯王敗奔閩煌言聚衆於上虞之平岡聞魯王保翁洲以所部入衛加兵部右侍郎

大兵破翁洲復以兵從魯王入閩次鷺門時鄭成功兵最强自以唐王舊臣不肯奉魯煌言亦稍籠絡冀收其用尋

返海上數以舟師由海道入江窺伺京口桂王在滇南遙授兵部左侍郎煌言復據翁洲順治十六年與鄭成功合兵由海道入煌言以所部攻江浦抵蕪湖諸城頗有響應者及成功敗於江寧遁入海而煌言之衆亦潰變服間道歸天台部衆復集桂王加以兵部尙書東閣大學士煌言移軍林門往來海島間滇南平散遣部曲遁於南田之懸輿輿在海中惟山南汶港可通舟楫從者惟故參軍羅子木門生王居敬侍者楊冠玉將卒數人舟子一人浙江提督張杰慮煌言終爲患募故校爲僧者偵之乃以夜半由山後襲執之諭之使降則曰父死不能葬國亡不能救今日之舉速死而已賦絕命詞從容受戮子木冠玉及舟

子三人亦同死鄞人紀五昌出貲購其首葬之西湖之南
屏乾隆四十一年

賜諡忠烈

明殉節諸臣事迹

王纘爵字佑伸佐之孫以祖蔭補官知溧水縣陞應天通
判福王稱制纘爵自請赴史可法軍前効力乃令同知揚
州兼監軍尋奏爲按察僉事時疆事孔棘四鎮驕不用命
可法語之曰吾奉命督師必死於此當送君還畱都以爲
後圖對曰某世受國恩寧從明公死不從馬阮生也

大兵至登陴固守城破殞於兵乾隆四十一年

賜諡節愍

明殉難諸臣事迹

子兆豸字鱗友工詩父殉節後崎嶇

兵間往覓父屍而積骨如莽不可辨具衣冠招魂歸葬遂

棄家躑躅蜀岡邗江之間以野死續者舊傳

周志畏天覺之孫崇禎十六年進士授江都知縣時史可

法督師揚州高傑將士凌辱州縣志畏不勝其侮請解職

從幕府自効可法命羅伏龍代之仍畱贊軍務四月十八

日

大兵逼城下借纜得伏龍等分門拒守二十五日城破闔

室死之乾隆四十一年

賜諡烈愍明史史可法傳及殉難諸臣事迹從弟志嘉字殷靖年十六華

夏見其文奇之及夏下獄志嘉每三日必具橐餽往探之

夏死取其獄中所贈詩張於壁間曰吾不敢忘知己也續者

傳

華夏字吉甫以高才生充貢從黃道周傳易學又受業劉宗周之門及

大兵下浙東夏與同志董志寧王家勤張夢錫陸宇燁毛聚奎謀舉事當時所稱六狂生也遍謁諸鄉老莫敢應適錢肅樂至奉以主兵魯王稱監國授職方主事肅樂散兵入舟山夏亦棄官歸及江上師潰而王翊李長祥等猶聚衆據山寨夏復與志寧家勤楊文琦文瓚屠獻宸密謀將用翊軍下郡城定期於來歲元旦翻城內應事覺夏與楊屠諸人俱見執郡守詰問有縉紳預謀者乎夏笑曰事皆夏所爲它人安得預下獄論棄市乾隆四十一年

詔入忠義祠

續耆舊傳及殉節諸臣事迹

楊文瓚字圓石崇禎十二年舉人魯王監國首帥子弟從軍授監察御史會唐王頒詔至越越中諸臣或言宜受或言不宜受文瓚自請使閩約爲唇齒唐王畱之并召其兄文琦至時王頗好文詞文琦言今當作馬上天子不宜狃承平故態王奇之授監紀推官唐王敗皆歸鄞文琦素善餘姚王翊時聚衆大蘭山乃與華夏董志寧等謀分道招兵而文琦文瓚主大蘭之師已而事洩兄弟皆棄市乾隆四十一年

賜文瓚諡烈愍文琦亦入忠義祠文瓚次兄文琮魯王時授職方郎中後以通書張煌言就逮赴省扼吭死弟文球佐劉中藻守福寧城陷死之所謂楊氏四忠也

明殉節諸臣事迹兼

宋續耆
舊傳

屠獻宸字天生餘姚孫嘉績起兵獻宸謁軍門嘉績奇之
畱佐其軍事授兵部主事江上潰歸里巡道中營陳天寵
仲謙者故在史可法麾下獻宸說之使華夏等各招外兵
來會而以二將兵爲內應及事洩獻宸變服與其友董德
欽走天台追及被執皆見殺德欽字若思亦世家子也乾
隆四十一年

賜諡烈愍

明殉節諸
臣事迹

董志寧字幼安與華夏等奉錢肅樂起兵及魯王兵敗出
奔浙東皆內附而舟山尙爲魯王守志寧遣使訂期約山
寨兵共舉謀洩棄家踰城而出魯王授兵科給事中舟山

破志寧自縊死妻羅氏聞變仰藥卒乾隆四十一年

賜諡忠節

明殉節諸臣事迹

戴仲明以諸生從魯王起兵授工部營繕所正舟山破與張肯堂吳鍾巒等同時殉難乾隆四十一年

賜諡節愍族子爾惠官錦衣衛經歷守螺頭門拒戰見殺

楊思任亦以諸生授吏部主事與仲明同死舟山

明殉節諸臣事迹

趙

趙景麟字天生邑諸生聞魯王兵敗出奔痛哭題詩將赴江死念嘗貸友人金未償次日晨起袖所作歷試文納衣冠於文廟詣友人還金友人訝問之不答即往城東躍入江漁舟驚救之良久乃甦張目不語亦不食輿入太白山

旬餘卒乾隆四十一年

詔入忠義祠

明殉節諸臣事迹

任斗墟流寓粵東桂王監國授中書舍人遷員外郎孫可望專政置王安隆府遣兵監守王不勝其侮謀遣使告李定國入衛命閣臣吳貞毓撰勅員外郎林青陽翰林孔目周官前後奉使可望聞其事捕朝臣十有八人斗墟以中書掌勅寶首及焉拷掠甚楚但自承終不引王乃以矯詔盜寶罪皆論斬其家人合葬於安隆北關之馬場後李定國統師迎王勒碑大書十八先生成仁處乾隆四十一年賜諡烈愍

明史吳貞毓傳及殉節諸臣事迹

王家勤字貞一諸生師事黃道周魯王監國授大理評事

江上既潰華夏等復謀翻城分招外兵家勤密約管江寨
杜懋俊施文炳土兵期以陸路集城下自往管江申誓甫
出城而夏等被執官軍直搗管江家勤行至中途被逮至
省論死懋俊字英侯喜談兵與其叔兆祐用土團法以保
村落聞文炳散家財募兵率所部從之文炳字仲茂都督
翰之子聚衆山寨間官兵至格鬪三日衆潰懋俊獨率家
丁力戰頭目集矢如蝟倚牆而斃猶屹立不仆兆祐亦戰
死文炳取父所佩刀引以自裁闔家赴火死續耆舊傳
張夢錫字雲生以從軍官兵部司務遷御史參錢肅樂軍
事時幕下皆文士惟張煌言善謀畫夢錫善鬪軍中呼爲
大小張江上失守擊殘卒五百入大皎山久之官兵四出

搜山攻大皎夢錫挾長矛出鬪相持數日力不敵見殺五

百人皆從死

續耆舊傳

陸宇燝字周明弟宇燥字春明世科之子錢肅樂起事宇
燝左右之授戶部主事不受魯王在海上宇燝供資糧屏
屢不絕餘姚王翊梟首城西宇燝與容江子雲謀收之會
中秋競渡遊人雜沓子雲佩刀乘馬登城至梟懸所問城
卒曰是何人頭卒以翊對子雲佯怒曰吾仇也亦有今日
乎拔刀擊之繩斷墮地宇燝已預令人匿之矣既得首藏
書篋中家人亦莫之知久之有告宇燝與張煌言往來狀
有司發卒圍其第搜故籍獨餘一篋未發卽縛宇燝去家
人啟篋視之得一錦囊囊中乃人頭也宇燥識其狀貌密

葬之城北董志寧墓間宇燞既下獄以無驗得釋至寓一

夕卒

黃宗義撰墓誌

宇燞好義如其兄張肯堂死難遺一孫茂濬

收禁於官與董守諭謀以百口保之館於家者三年收董

志寧骨瘞之先墓側

續耆舊傳

毛聚奎字象來一字文垣從錢肅樂至瓜里軍授戶部郎

行遜十餘年家人亦莫知所之及老病歸卒於家

續耆舊傳

倪懋熹字仲璠諸生錢肅樂起兵欲招定海總兵王之仁

之仁先已迎降於貝勒矣衆懼不測獨董志寧請行懋熹

爲之副至定海間先一日有陳秀才上箋之仁責其負國

爲之仁所殺或勸無遽投書懋熹謂志寧曰吾輩方將冒

鋒鏑而懼死乎遂以書進之仁召見語之曰二君此來大

有膽懋熹對曰賢兄常侍攀髯殉主天下所共仰今東海
鎖鑰之寄在將軍將軍幸留意之仁果以師會授兵部主
事時唐魯二藩不相協募能使閩者肅樂薦懋熹懋熹至
則告王曰方今閩強越弱然無越則閩無所蔽且均爲太
祖子孫乃區區爭虛號耶唐王喜畱之命分守建寧道值
大兵圍建寧出戰全軍盡覆懋熹亦沒於陣續者舊傳
徐啟睿字聖思邑諸生好擊劍臥起常佩之明季削髮爲
浮屠聞錢肅樂起兵返初服赴之魯王授錦衣衛指揮不
受自稱白衣參軍一日集其麾下百夫屠牛饗之將出戰
肅樂止之曰軍行無後繼何益對曰吾將赴敵而死以愧
諸營之不進者遂渡江直薄西岸戰稍勝馳馬至江濱呼

東岸諸營並濟無應者復反戰忽陷泥淖中馬踣遂被執
諭之降不屈死善鐫印章隨手配合不假篆文卽犀玉諸
刻亦然

李志及續
耆舊傳

李桐字封若光祿監德繼之子北都變賦悲憤詩十章遂
感沉疾浙東起事命長子文景從軍授兵部主事及江上
師潰家人以湯劑進碎其器旬餘病劇卒葬畢文景與弟
文昱墨纒赴海上文昱亦授戶部主事翁洲失守兄弟同
日覆舟海中

續耆
舊傳

張樾字子隆知縣伯庠之後七歲能作大字稍長補弟子
員國變後閉戶取牀頭陳醞獨酌既醺遶牀走百餘匝乃
取炭和木屑燕之置所臥炕下別沽火酒飲數巨觥臥炕

上覆以重衾俄頃酒力墳盈而絕

續耆舊傳

周齊曾字唯一崇禎十六年進士知順德縣縣多盜謂爲饑寒所致乃置義田以義倉法行之又仿北方弓箭社募鄉勇爲捍禦改知香山故相黃士俊家居多畜無賴以害民齊曾捕得卽投之海中黎人求渡海葬內地大吏許之齊曾以爲狼子野心持不可兩都繼陷棄官歸削髮遁入榆林構屋曰草觚束竹覆茅皆出已手同年生王爾祿爲海道求一見不可得遭母喪爾祿赴弔惟於喪次一謝而已終身不一入城所親或強之至城南欲自投水中其孤

峻如此

續耆舊傳

林時對字殿颺崇禎十三年進士釋褐官行人或問冷官

鄞縣志

卷十六

人物

善

何以自遣對曰苟不愛錢原無熱地魯王監國召爲兵科
給事中累遷副都御史總兵王之仁請塞東錢湖力持不
可馬阮在方國安軍中疏請誅之諸鎮積怒國安糾爲東
林遺孽遂歸轉徙山海間久之徵車四出辭不赴年九十
一卒凡時躍字霞舉少與華夏同學夏死遺一子一女匿

時躍家旣長爲之嫁娶諸遺民爲賦孤兒行

續考
舊傳

徐殿臣字心水崇禎七年進士以行人擢試御史時兵禠
並亟疏言計臣當擇人如劉晏爲度支軍興不乏而未至
病民不然因賊設兵因兵增餉賊未及勦而民且揭竿應
之矣又請復驛遞驛遞者流賊所從起之由也初舉禮部
時出黃道周門下道周得罪賦詩有如公真不欺明主在

帝何曾殺諫官之句當軸頗側目出提督南京學政左遷
山東僉事以親老乞歸國變後奉父避亂入山爲海師縛
去索萬金以友人周容救免久之悒悒成疾卒喜讀白蘇

二公詩顏其閣曰香眉

續考
舊傳

陸符字文虎讀書不墨守章句復社諸人爭相推重莊烈
時文震孟入相劉宗周諸人復起論者謂東林由此得吐
氣符心憂之嘗曰彼方以仳仳乘釁此乃以夫夫得意禍
且至矣未幾震孟去位會有保舉之令學使者許彥以符
應詔入國子監莊烈幸學諸生迎謁見符儀表屢目之舉
崇禎十五年鄉試癸未下第歸魯王時授行人命清查衛
所錢糧千戶馮如奎乾沒獨多嚴覈之遂拔刃刺符於廳

事不殊謝事養痾山中未幾卒

采李志及黃宗羲撰墓誌

案明詩綜作陸彪

萬泰字履安其先以勲衛世其家至泰始舉崇禎九年鄉試與陸符並有文名時稱萬陸魯王時以戶部主事司餉既乃遁跡丙舍高斗樞父子李桐父子以華夏事坐繫泰密爲籌畫得釋黃宗炎已赴市復以奇計出之嘗遊粵歸至南安同年生毛泚舟中病疫不忍棄之爲視其病泚得生而泰竟死其五言酷似陶靖節七言近體似高岑八子皆以文學著續者舊傳

董守論字次公受業黃道周之門性孤峭不與人苟同詩文排奐亦類道周中天啟四年舉人七上公車不第名亦

日盛是時鄞人預於復社者陸符萬泰董德偁與守諭而
四魯王據紹興授戶部主事司餉時大將王之仁請稅漁
舟又請行稅人法守諭曰今所恃者人心耳培克已甚民
何以堪持不可又請籍沒大戶祀田以充軍資爭益力之
仁大怒守諭卒不爲動年六十九卒縣令張幼學歎曰董
君所謂名可得聞身不可得見也

續者
舊傳

王玉書字水功爲詩獨出機杼黃端伯爲推官極推重之
魯王時以薦爲太常博士尋棄歸遁跡榆林卒年七十一

續者
舊傳

倪元楷字端木工書法善詩預南湖九子之社晚年從浮

屠槩山游忽夢金塔化爲白蓮尋卒

續者
舊傳

費禕祥字榮孕崇禎時以明經貢太學明亡薙髮為僧獨

居一小樓凡十餘年足跡未嘗下梯費氏家乘

宗誼字在公世雄於資而誼獨好詩錢肅樂起兵誼罄所

得萬金徑送其營肅樂將薦之誼曰是以卜式待我也不

赴晚年授徒餬口安之若素董劍鏢撰詩序

董劍鏢字佩公其父士相亦志士聞北都陷痛哭謂其子

曰兒曹不須讀萬卷書但彎五石弓足矣由是父子相厲

為遺民杜懋俊死節陸宇燦撫其遺孤劍鏢授之經凡食

息起居罔弗護視人以為難續者舊傳

葉謙字天益其先潛山人嘉靖間有武略將軍紳者死倭

難遂世襲寧波衛指揮千戶旋以督運功晉守備錢肅樂

薦之再晉都司謙雖將家子工於詩為人狷介絲毫不妄
取授徒養母後二年卒董劍鏐陸宇燦爲奉其母終身續

舊傳

邱子章字含三九歲補諸生以張煌言薦授中書舍人後

避地轉徙授徒於洞庭山中年七十歸里時諸遺民方創

爲耆社虛席迎之歸一歲而卒高字泰耆社第一集序

李文靖字在茲以明經薦爲職方主事後避地越中間一

歸里信宿卽去老而無子或勸置妾歎曰謝翱有子而棄

之吾反求之耶精於小學多心得續耆舊傳

李文纘字昭武工詩善書畫錢肅樂薦授駕部郎遂與華

夏善後牽連被逮夏獨承其事盡脫同難諸人文纘自請

留伴之及覆訊夏力辨之乃釋歸平生學極博於諸經皆

有說不肖苟同先儒續者舊傳

駱國挺字天植嘗參錢肅樂軍事臨江督戰礮火從頸上

過弗懼其居在北郭與李文纘齊名里人稱曰李駱續者舊傳

谷文光字電飛崇禎中為魯王府長史魯王稱監國授通

政司上疏言臣官喉舌悍帥狂言戚畹私情無從式遏何

以稱職王是之而不能從亡失道遂為僧晚年有光從

足指問出眾皆異之續者舊傳

陸山輝字氤氳崇禎六年舉人江干破後絕意進取杜門

授徒以終邑中前朝孝廉不赴公車者惟董守諭董德偁

萬泰及山輝爾續者舊傳

范大捷字子謙諸生世父德泉無子所立後者不才逐之
而以大捷爲後既而前所後者困甚乃請於德泉分給田
宅以全昔恩其人既沒產盡廢復迎寡嫂同居爲嫁其三
女大捷精於醫兼習堪輿不能葬者助以費爲貧者治病
或需紫園參自製爲丸貽之託言他藥不令其人知也國
難後取所作詩文盡焚之以布衣終其身

續者
舊傳

徐振奇字可貞一字我庸錢肅樂起事忻然從之將薦授
以官固辭國亡遁入東錢湖之青雷山中獨居二十餘年
年踰大素諸子苦請乃歸角巾方袍躑躅甬江濱見者皆
讓道所至雖婦人孺子亦知爲徐先生也

續者
舊傳

鄞縣志卷十六終